

Roten Essig zu machen.

Item/Laß den Essig ein nacht oder drey vber Klapperrosen/oder Grassblumen stehen/vnd schüt den Essig ab/so ist er schon roth/du magst von Kornblumen blau/oder von Lauendel/Rosen marin/vnd dergleichen wolgeschmackten Essig machen.

Das achzehende Capitel.

Vom Bier.

Wie man gut Bier machen vnd behalten soll.



Wenn sich ein Bier verkehrt hat/so nim heiß Gerstenbrot auß dem Ofen/vnd brichs von einander/vnd leg es auff den Spundien/vnd das offt/bis es wider kompt.

Wenn man ein Bier führet/das es trüb ist worden.

Item/man soll nemen ein Handvoll gutes gebreites Sals/vnd das mengen mit Wasser/ein Maß oder zwo/vnd in das Faß giessen/vnd vber nacht ruhen lassen/so wirdt es darnach feimen/das es lustig wirt zu trincken

Item/das magstu auch einem Wein thun/ehe man in anzeyffe.

Wie man Bier soll machen/das es lieblich zu trincken sey.

Item/henck darein ein halb Pfund roth Benedictenwurzeln mit wilder Salbey.

Wenn ein Bier sauer wer worden/auff den Büttich/oder sonst.

Item/nimb ein Handvoll Sals oder zwo/vnd so viel Eschen/vnd ein Maß oder drey Wassers/vnd laß darunder rühren/vñ bald ein Tuch mit einem Spund dafür/sonst lieff es alles heraus/vnd laß also versausen.

Ein andere Kunst.

Item/nimb Habern mit dem Stroh/wenn der Haber ist in der gilb/so nimb vnd schneid Büschlin/vnd henck es darein/so stößt das Bier wider auff/vñ thut wie ein Bier/das noch jung ist.

Wie man ein Bier in der Bratw sol scharff vnd wolrichend machen.

Item/nimb ein stück Harz/vnd weiß man den Hopffen seud/so wirff es in den Hopffen/vnd laß damit sieden/so wirts frisch vnd wolgeschmack.

Das ein Bier im Sommer oder in der Fasten entzünd/oder sauer werde.

Item/nimb Rien/vnd schneid Spänlin darvon einer Spannen lang/vnd eines Fingers breit/vnd wirff sie auff das Bier/dieweil es noch ganz warm ist/das benimpt in das Sommeren/vnd ist ein seltsame wunderbarliche Kunst.

Wie man ein Bier sol wolgeschmack machen/wie ein Wein/vnd auch ganz natürlich zu trincken.

In solcher gestalt/ist es lauter/so wirt es wie ein Wein/als die Hamburgischen vnd Holensdischen Bier sind/das ist gar ein besonder Trancck/vnd schmecket wol/vnd man mag es auch ein Fürsten